



# Botshelo kwa lefelong la diphologolo

Henny Mthombeni

Magriet Brink






E ne e le phakela kwa lefelong la diphologolo, mme Henny motlhokomedi wa diphologolo o ne a iketlile ka mogodungwana.

Kwa lesakaneng, bathokomedi ba lebelela bana ba diphologolo tse di tlhokang tlhokomelo e e kgethegileng. Motlhokomedi Henny o ne a emetse ngaka ya diphologolo go goroga.



Ngaka Nosiso ke ngaka ya diphologolo yo o alafang diphologolo tse di tlhaga. O ne a etetse lefelo la diphologolo go bona mangaunyana a mararo a a sa tswang go tsalwa.

Fa Ngaka Nosiso a se na go tlhatlhoba masea, batlhokomedi ba diphologolo, Henny le Ann ba a fepa.



Fa helikoptara ya lefelo la diphologolo e dikologa go thatlhoba, mofofisi a lemoga namane ya tlou e robetse fa fatshe. Tloana e ne e idibetse.

Helikoptara e ne ya tsaya Ngaka Nosiso le motlhokomedi Henny go ba fofisetsa kwa tloaneng.



“Tloana e tlhoka go ya kwa bookelong ba diphologolo ka bonako!” ga bua Ngaka Nosiso.

Batlhokomedi ba baya namane mo seporeng. Helikoptara ya fofisetsa tloana kwa bookelong.



Fa tloana e setse e tswile mo kotsing, ya boela kwa lesakaneng.

“O tshwanetse go bo o ntse malatsinyana kwa ntle ga metsi,” ga bua motlhokomedi Henny fa a ntse a e fepa.



Morago ga dibkenyana, namane ya gola mme ya tia. Ya gola ya nna tloana e e matlhagathaga eo e neng e rata go tshameka mathaithai mo batlhokomeding.

Tloana e ne e rata motlhokomedi Henny thata!



Bosigo bongwe lori e ne ya tliša thutlwana e e lwalang kwa lefelong la diphologolo.

Batlhokomedi ba botlhe ba ne ba tshwanela go thusa go sutisetsa namane ka pabalesego kwa lesakaneng.






Ngaka Nosiso a kwala melemo ya thutlwa.

Botlhe ba ne ba tshwenyegile ka maemo a phologotswana e, gonne e ne e palelwa ke go ikemisa.



Mo dikgweding, ngwana wa thutlwa a gola go  
tia le go nna motelele.

Motlhokomedi Henny, a simolola go dirisa llere  
go fepa namane e e golang.



Ka seabakanyana, diphologolo tse di itekanetseng di tla boela kwa lefelong la diphologolo. Mme ga jaana, di itumelela go tshameka mmogo kwa lesakaneng.

Diphologolo di botlhokwa fela jaaka batho ba ba di tlhokomelang.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Botshelo kwa lefelong la diphologolo

Author/s: Henny Mthombeni

Translator/s: Dineo Moatshe

Illustrator/s: Magriet Brink


Assurer/s: Opelo Thole

Language: Setswana



© Zenex Foundation - Saide 2023

CC BY includes the following elements:

BY  - Credit must be given to the creator

